শ্রদাযুক্ত হইয়াছে। অতি সত্তরই সে জন ধর্মজীবন হইবে এবং নিরন্তর ত্বর্ম হইতে অমুতপ্ত হৃদয়ে নিবৃত্তি প্রাপ্ত হইতেছে। কারণ যে জন আমার অন্য ভক্তিতে বিশ্বস্ত হইয়াছে, তাহার কখনও নাশ নাই। যদি অসদাচার-সম্পন্ন ব্যক্তিও শ্রীহরিভক্তি অমুষ্ঠানে অধিকারী হয়, তাহা হইলে সদাচার সম্পন্ন ব্যক্তি যে অধিকারী হয়—এ বিষয়ে আর কি বলিব ? "অপি চেং স্বৃরাচার" এই শ্লোকস্থ "অপি" শব্দে ইহাই প্রকাশ পাইয়াছে। জ্ঞানী ও অজ্ঞানী উভয়ই ভক্তি অমুষ্ঠানে অধিকারী—এ বিষয়ে ১১।১১।৩৩ শ্লোকে ভগবান্ শ্রীকৃষ্ণচন্দ্র নিজ শ্রীমুখেই আদেশ করিয়াছেন; যথা—জ্ঞাত্বাজ্ঞাত্বাথ যে বৈ মাং যাবান্ যশ্চাশ্মি যাদৃশঃ ভজন্ত্যনগ্যভাবেন তে মে ভক্তমা মতাঃ' হে উদ্ধব! যাহারা দেশকালাদিতে অপরিচ্ছিন্ন সর্বাত্মা সচ্চিদা-নন্দাদিরূপে আমাকে জানিয়াই হউক অথবা না জানিয়াই হউক, কেবল শ্রীব্রজরাজনন্দনাদিরপে নিজের অভীপ্সিত দাস্থাদিভাবের মধ্যে একতর ভাবেই আমাকে ভজন করিতেছে কিন্তু কখনও অগ্রভাবে ভজে না, তাহাদিগকে কিন্তু আমি ভক্ততম বলিয়াই মনে করি—এই প্রমাণে জ্ঞানী জজ্ঞানী—এই ছুই প্রকার ব্যক্তিতেই ভক্তির বৃত্তি দেখান হইয়াছে। অগ্যত্র "হরিহরতি পাপনি হুষ্টচিত্তৈরপি স্মৃতঃ"। অর্থাৎ ছুষ্টচিত্তজনগণও যদি শ্রীহরিকে স্মরণ করে, ভাহা হইলে শ্রীহরি তাহাদিগের সর্ব্রপাপ বিনাশ করিয়া থাকেন—ইত্যাদি প্রমাণে পাপীজনের হরিভক্তিতে অধিকার দেওয়া হইয়াছে। বিষয়-বিরক্ত ও বিষয়াসক্ত উভয়বিধ ব্যক্তিই যে ভক্তি অনুষ্ঠানে অধিকারী, সে বিষয়ে শ্রীমন্তাগবতের ১।১৪।১৭ শ্লোকে সুস্পষ্টরূপেই উল্লেখ করা আছেন যথা— সম্প্রিক ক্রিক

"বাধ্যমানোইপি মন্তকো বিষরৈজিতেন্দ্রিয়ঃ। প্রায় প্রগল্ভয়া ভক্ত্যা বিষয়ৈর্নাভিভূয়তে"॥

হে উদ্ধব! আমার ভক্ত ভক্তিপ্রারম্ভে বিষয়রাশিকর্তৃক আকৃষ্যমান হইয়াও প্রায়শঃ সমর্থাভক্তির প্রভাবে বিষয়ের দ্বারা অভিভূত হয় না। এই প্রমাণে বিষয়াসক্তজনেও ভক্তির অধিকারিতা দেখান হইয়াছে; অতএব, বিষয়-বিরক্তজন যে ভক্তির প্রভাবে বিষয়ের দ্বারা অভিভূত হয় না—ইহা বলাই বাহুল্য। "বাধ্যমানোহপি" এই শ্লোকস্থ অপি শব্দের দ্বারা এই অর্থ ই ধ্বনিত হইতেছে। মুমুক্ষু, মুক্তপুরুষে যে ভক্তির বৃত্তি আছে, তাহা এই নিয় শ্লোকে দেখাইতেছেন—

মুমুক্ষবো ঘোররূপাং হিত্বা ভূতপতীনথ। নারায়ণকলাঃ শাস্তা ভজন্তি হানসুয়বঃ॥